

Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfimmi silaannakkut angallannermut suliassaqaarfimmut AC- fuldmægtigi/immikkut siunnersorti

Kalaallit Nunaata angallannikkut periusissatigullu pingaaruteqarnera malunnaatilimmik ineriartorfiani, Kalaallit Nunaanni silaannakkut angallannermik inuiaqatigiinni pisariaqartinneqartumik suliagarusuppit? Politikerit qanillugit aalajangiinissamullu tunngavissanut, inatsisiliornermut aqqiissutissanullu innuttaasunut, inuussutissarsiortunut aammalu Kalaallit Nunaata ataqatigiissinnaaneranut pingaarutilinnut suleqataallutit sulerusuppit?

Taamaappat Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfimmi Silaannakkut angallannermut allaffimmi silaannakkut angallannermut suliassaqaarfimmi AC-fuldmægtigitut/immikkut siunnersortitut atorfik immaqa ilinnoortuuvoq.

Politikki, inuiaqatigiit aaqqiissutissallu aalajangersimasut qanillugit

Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfimmi sulisutut allaffissornermi maskiinaqarfimmi ilaalissaatit, tassani politikkikkut aalajangiinerit tigussaasumik suliniutinngortinneqartarlutik. Naalakkersuisoqarfimmi sulineq isumaqarpoq politikerit patajaatsunik aalajangiinissamut tunngavissaqarnissaq aammalu politikkikkut aalajangiinerit tigussaasumik aaqqiissutissanngortinneqarsinnaanissaat qulakkeertussaavagut. Naalakkersuisuni politikerit qanillugit sulissaatit aammalu suliassaqaarfimmi inuiaqatigiinnut pingaaruteqartorujussuarmi aalajangiinissamut tunngavissanut, ilisimatitsissutitut, inatsisiliorluni suliagarnermut aammalu misissueqqissaarnernut suleqataassallutit.

Attaveqaasersuutitut suliassaqaarfimmi misissueqqissaarnerup, politikkikkut aalajangiinerup suliassanillu suliarinninnermi pissusiviusut imminnut qanittuaraasarpur. Taamaattumik illit sulinerit illoqarfinnut, inoqarfinnut, angallannikkut attaveqarnermut aammalu oqartussanik ingerlatsisunillu avataaneersunik suleqateqarnermut toqqaannartumik sunniuteqarsinnaassaaq..

Silaannakkut angallannermut suliassaqaarfik ukkataralugu suliassanik tamanik suliarinnittartaq

Silaannakkut angallannermut suliassaqaarfimmi suliassat pingaarnertut akisussaaffigilissavatit. Aamma ilaatigut aqqusinertigut angallannermut nalunaarasuartaatinullu suliassaqaarfiup iluani kiisalu ilaasunik angallassinermut kiffartuussinissamut isumaqatigiissutitut suliassat suliassanngortartut suliassarilersinnaavatit.

Silaannakkut angallanneq aamma timmisartoqarfiit Kalaallit Nunaata ataqatigiissinneqarsinnaaneranut, nuttarsinnaassutsimut, pilersuineranut, inuussutissarsiortnerup ineriartortinneqarneranut aamma nunani tamalaani atassuteqarnermut qitiulluinnarput.

Aaqqiissutissat piumasarineqartut, nunani tamalaani nunamilu namminermi maleruagassanik kiisalu nunami sumiiffinnut, silap pissusaanut angallannermullu tunngasunik sillimaffiginniffiusussat, nunatsinni maani atuuttut qulakkeerniarlugit, Kalaallit Nunaanni silaannakkut angallannermut inatsisit aamma atugassarititaasunut killissaliussat pillugit naalagaaffimmi oqartussat attuumassutillit Silaannakkut

angallannermut allaffimmi suleqatigineqarput.

Silaannakkut angallannermut suliassaqaarfimmiipput ilaatigut timmisartoqarfiit 13-it aamma qulimiguulinnut mittarfiit 46-t kiisalu Kalaallit Nunaanni silaannakkut angallannermut maleruagassat killissaliussallu nalinginnaasut. Kalaallit Nunaanni timmisartoqarfiit ilusiligaanerat angallannermilu sullissineq, Nuummi, Ilulissani Qaqortumilu nutaanik mittarfiliørnermi, annertoorujussuarmik ineriartuleruttorput. Silaannakkut angallannermut allaffimmi Kalaallit Nunaanni pisortat timmisartoqarfiit aamma qulimiguulinnut mittarfiit ingerlanneqarnerat pillugu Greenland Airports Regional A/S-imut kiffartuussinissamut isumaqatigiissut aqunneqarpoq. Tamatuma saniatigut allaffik Air Greenland-imut, nunatsinni qulimiguulinnut mittarfinnut timmisartoqarfinnullu tamanut timmisartuussisartumut, qanimut attaveqarpoq.

Kalaallit Nunaanni timmisartoqarfiit pillugit annertunerusut atuarsinnaavatit uani <https://kanat.gl/kl-gl/kalaallit-nunaanni-attaveqaasersuutit/mittarfiitaammalu> silaannakkut angallannermut maleruagassat pillugit uani <https://www.trafikstyrelsen.dk/arbejdsomraader/luftfart>.

Suliassat

Akisussaaffeqarlutit allanngorartumillu atituumik inissisimaffeqalissaatit. Suliassarni ilaatigut ilaatinneqarsinnaapput:

- innuttaasunit politikeriniillu saaffiginissutitut akissutissamut missingiutitik allanneq
- aalajangiinissamut tunngavissianut missingiutitik allanneq
- politikerinut ilisimatitsissutitik allanneq
- politikkiniq, periusissianik aaqqiissutissanullu siunnersuutitik ineriartortitsineq
- angallannermi, aningaasaqarnermi ingerlatsinermilu ajornartorsiutit pillugit misissueqqissaarnerit, allakkiat nassuiaatillu
- naalakkersuisoqarfinnit allanit inatsisissanut siunnersuutitut aalajangiinissamullu tunngavissianut tusarniaanermut akissuteqaatinik suliaqarneq
- soqutiginnittunik suleqatigisartakkanillu ataatsimeeqateqarni naalakkersuisoqarfik sinnerlugu najuunneq
- suliassaqaarfimmi anigorniagassanik periarfissanillu nutaanik suussusersiisarneq
- naalagaaffimmi oqartussanik, oqartussanik, ingerlatseqatigiiffinnik soqutiginnittunillu avataaneersunik suleqateqarneq
- suliniutitik aqutsineq ataqatigiissaarinerlu
- suleqatinut ilanngussassanik tunniussisarneq tapersersuisarnerlu

Suliassat allaffimmi pisortaq qanimut oqaloqatigalugu aaqqissuunneqartarput aammalu piginnaasaqarfernut, misilittagarnut suliatigullu ineriartornernut naleqqussarneqartarlutik. Piginnaasaqarfiit apeqqutaatinngit allatassavit imarisassai tamaasa pillugit allaffimmi pisortaq qanimut oqaloqatigisussaassavat.

Suliassat suut suliarineqartussaanerit apeqqutaalluni, Kalaallit Nunaannut, Danmarkimut nunanullu allanut sulilluni angalanerit pisinnaapput.

Kina ujartorparput?

Illit ujartorpatsigit:

- ilinniagartuutut naleqquttumik ilinniagaqarsimasoq
- inuiaqatigiit ingeriartornerannit, politikkimit akisussaaffimmillu kajumissuseqalersinneqartartoq
- ulluinnarni allanngorarsinnaasuni politikkikkullu aqunneqartuni aaqqissuussaasumik sulisinnaasoq
- ajornartorsiutitik pisariusunik ersarissumik eqqortumillu paasissutissiisinnaasoq
- inatsisilerinerup, aningaasaqarnerup suliassallu suliarineqartussat ataatsimoorfianni

sulerusuttoq

- suliassanik nammineerluni aammalu suleqatit qanimut suleqatigalugit sulinermik nuannarisaqartog
- sukumiisortanik aammalu periusissanut annertunerusunut ataqatigiissillugu takunnissinnaasoq

Kalaallit Nunaannut, pisortat ingerlatsinerannut, assartuussinermut suliassaqaarfimmut imaluunniit silaannakkut angallannermut ilisimanninneq iluaqutaassaaq, kisianni piumasaqaataanani. Pingaarnarpaajuvoq misissueqqissaarnermut piginnaasaqarlunissat, allattariarsullaqqissuunissat, naliliisinnaassuseqarlunissat aammalu suliassaqaarfiup sukumiisumik ilinniarnissaanut piginnaasaqarnissat. Ilinniarlutit naammasseqqammeruit, sukumiisumik ilinniartinneqarnissat isumagissavarput. Misilittagaqaruit sukkasuumik nammineerlutit akisussaaffeqalissaatit.

Suut pissarsiarissavigit?

Pissarsiarissavatit:

- suliassaqaarfimmi inuiaqatigiinnut politikkikkullu pingaarutilerujussuarmik suliffik
- Kalaallit Nunaanni siunissami attaveqaasersuutit pillugit aalajangiinernut paasisimaarinninneq sunniuteqarnerlu
- ulluinnarni Naalakkersuisuni politikerit qanillugit sulineq
- Kalaallit Nunaannit isigalugu silaannakkut angallannermik, timmisartoqarfinnik aammalu kiffartuussinissamut isumaqatigiissutinik suliaqarnissamut periarfissaqarneq
- aallussilluartunik suleqateqarluni sulianut pikkorissunik avatangiiseqarneq
- sullivimmi sukkasuumik, qaffasissunik anguniagaqarluni suliatigullu ineriartornissamut inissaqarluni sulineq

Uagut pilluta

Silaannakkut angallannermut allaffimmi silaannakkut angallanneq, timmisartoqarfiit, ilaasunik angallassinermut kiffartuussinissamut isumaqatigiissutit, nalunaarasuartaateqarnermut suliassaqaarfik aamma aqqusinertigut angallanneq sularineqarput. Allaffik Attaveqaasersuutinut immikkoortortaqaarfimmut ilaavoq, tassaniilluni aamma Imarsiornermut allaffik imarsiorluni angalanermut umiarsualivinnullu akisussaasuusoq. Sulisut katillugit 11-uvugut.

Allaffimmi suliassat inatsisilerinerup, politikkip, aningaasaqarnerup, pilersaarusiorderup aammalu ataasiakkaatigut ingerlatsinermut tunngasut akornanni ataatsimoortillugit isumagineqarput. Suliassat amerlanertigut pisariusuusarput, politikkikkut mianernarlutik inuiaqatigiinnilu pisariaqartinneqarlutik. Tamatuma sulineq suliatigut unammillernartortaqalersittarpaa pingaaruteqalersittarlugulu.

Sulineq avatangiisini ulapaarfiusuni ingerlanneqartarpoq, tassani akisussaaffik, sulinerup nuannarinera aammalu qaffasissumik pikkorissuseqarneq ataatsimoortillugit ingerlanneqarpoq. Ulluinnarni qiimaneq, suleqatinik isumasioqateqartarneq aammalu sulineq ilaqutariinnilu inuuneq ataqatigiittusaaernerisa ataqqineqarnera malunnarpoq. Suleqatigiit ataatsimooqatigilluarnissaat aammalu sullivimmi inissaqartitsilluarnissaq pingaartippagut. Ukiup ingerlanerani aamma Naalakkersuisoqaarfimmi sulisunut peqatigiinnissamut aqqissuussinert ingerlanneqartarput, ilanngullugu ilaatigut ukiumoortumik Nuup kangerluanut angalaarneq, suleqatit peqatigalugit Kalaallit Nunaanni pinngortitap misiginissaanut periarfissaqarluni.

Apequtissaqarpit?

Attavissaq kst. Kontorchef Casper Cæsar Bendixen

+299 34 52 98 casbe@nanoq.gl

PISORTATIGOORTUMIK PISUSSANUT TUNNGASUT

Isumannaallisaanermi akuerineqarsimaneq

Atorfimmut piukkunnartutut isigineqarnissamut malittarisassat atuuttut naapertorlugit isumannaallisaanermi akuerineqarsimanissaq piumasaqaataavoq. Taamaattumik aallarniutaasumik pinerlussimasut nalunaarsuisarfianit pineqaatissinneqarsimannginnermut uppersarsaatip assilinqarnera annillatsinneqarsimasoq ilanngullugu nassiuguk. Taanna najukkami politiitut oqartussaasuni imaluunniit uani piniarneqarsinnaavoq: www.politi.gl/bestil-straffeattest/privat-straffeattest.

Aningaasarsiat atorfininnermullu tunngasut

Aningaasarsiat atorfininnermilu atugassarititaasut, ilanngullugit atorfininnermi soraarnermilu akiliunneqarluni angalanissamut aamma pisattat nuunnerinut akiliunneqarnissamut pisinnaatitaaneq, atorfininnerup nalaani Namminersorlutik Oqartussat kattuffiullu isumaqatiginninniarsinnaatitaasup pineqartup akornanni isumaqatigiissutit atuuttut naapertorlugit ingerlanneqassapput.

Ineqarneq

Atorfimmut atatillugu inigisassamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnini aqutigalugu sulisutut ineqareersimaguni sulisutut inissiamik innersuussivigineqarnissamut pisinnaatitaaffik attatiinnerneqassaaq. Sulisutut inigisaq atorfeqarnermut tunngavoq, atorfeqarnerullu uninnerani qimanneqassalluni.

Ulloq atorfiniffiusussaq

Piaartumik imaluunniit isumaqatigiissuteqarneq malillugu.

Piffissaq suliffiusoq

Sapaatip akunneranut nalunaaquttap akunneri 40-t.

Atorfinitsisinissamut oqaloqateqarnerit ingerlanneqarnissaannut ulluliussaq

Oqaloqateqarnerit ingerlaavartumik ingerlanneqassapput

Qinnuteqaat, CV, ilinniarsimanermut aamma pikkorissarsimanermut uppersarsaatit, pillagaasimannginnermut uppersarsaat kiisalu allakkiat attuumassutillit allat nassiutikkiit una toorlugu "Qinnuteqaat nassiuguk".

Qinnuteqaatit e-mailikkut nassiunneqartut tiguneq ajorpagut.